

Evening Dogri (NSD)

13-08-2025

खबरां

1. भारत-सिंगापुर मंत्रीस्तरीय राउंडटेबल दा त्रीया चरण नमीं दिल्ली च होआ, जेड़ा दौनें मुख्यें दे दपक्खी रिश्तें गी मजबूत करोग।
2. मुख्य 79में स्वतंत्रता दिवस आस्तै तैयार, प्रधानमंत्री नरेंद्र मोदी होर ऐतिहासिक लाल किले थमां 15 अगस्त गी इस समारोह च मुख्य भूमिका निभाडन।
3. राष्ट्रपति द्रौपदी मुर्मू होर कल राष्ट्रपति भवन च अमृत उद्यान दे सोए दी रूतै आहले सालाना उत्सव दा उद्घाटन करडन।
4. सुप्रीम कोर्ट दिल्ली-एनसीआर च आवारा कुतें दे स्थानांतरण दे मुद्दे पर विचार करोग।
5. मौसम विभाग नै अज्ज उत्तराखंड, तेलंगाना, बिहार ते आंध्र प्रदेश दे समुंद्री इलाकं च भारी बरखा पौने दे असार करी रेड अलर्ट जारी कीता ऐ।
6. भारत दे गुलवीर सिंह नै इक्क नाल ओलंपिक समारोह च बुडापेट च मर्दे दी 3000 मीटर रेस च अपने गै राष्ट्र रिकार्ड गी बेहतर बनाया।

<><><><><><>

India-Singapore

भारत-सिंगापुर मंत्रीस्तरीय राउंड टेबल दा त्रीया चरण नमीं दिल्ली च होआ। केंद्री मंत्री डॉ. एस जयशंकर, निर्मला सीतारमण, अश्विनी वैशणव ते पीयूष गोयल होर बी इस राउंड टेबल च शामिल हे। सिंगापुर थमां जेड़े मंत्री एहदे च शामिल हे, उंदे च उत्थूं दे उप-प्रधानमंत्री नरेंद्र किम थोंग ते उत्थूं दे विदेश मंत्री Josephine Teo होर शामिल हे। बाहरले मुख्यें दे मंत्री होरें आखेआ ऐ जे मंत्रीस्तरीय राउंड टेबल भारत सिंगापुर दे बश्कार सांझेदारी दा इक सभ्भनें शा बक्खरा कदम ऐ।

<><><><><><>

I-Day

मुख्य हुन 15 अगस्त गी 79में स्वतंत्रता दिवस आस्तै पूरे जोश ते देशभक्ति दी भावना कन्नै तैयार ऐ। स्वतंत्रता दिवस दी तैयारिएं दे चलदे मुख्य भरै दे लोक हर घर तिरंगा अभियान च बदी चढ़ियै हिस्सा लै'रदे न। केंद्री गृह मंत्री अमित शाह होरें इस्सै अभियान दे चलदे अज्ज अपने घरै च राश्ट्रीय झंडा चाढ़ेआ। तोआई, केंद्री राई-बाई मंत्री शिवराज सिंह चौहान होरें बी एहदे तैहत झंडा चाढ़ेआ ते लोकें गी हर घर तिरंगा अभियान च जोश कन्नै हिस्सा लैने लेई प्रेरित कीता। उत्तर प्रदेश च मुख्यमंत्री योगी आदित्यनाथ होरें बी अज्ज लखनउ च अपने अधिकारिक आवास थमां हर घर तिरंगा अभियान गी 3 दिनें लेई शुरू कीता। दिल्ली च बी मंत्री आशीष सूद ते बीजेपी दे सांसद कमलजीत सहरावत होरें उत्थूं दे दक्खन पच्छिम जिलें च तिरंगा जात्तरा शुरू कीती जेदे च 8000 थमां मते लोकें हिस्सा लैता। 15 अगस्त गी प्रधानमंत्री नरेंद्र मोदी होर ऐतिहासिक लाल किले थमां स्वतंत्रता दिवस दे समारोह च महत्वपूर्ण भूमिका निभांगन। ओहू उत्थे झंडा चाढ़ंगन ते मुख्य गी संबोधित करंगन। तोआई जम्मू-कश्मीर केंद्र शासित प्रदेश च बी 15 अगस्त दी तैयारियें दे चलदे सुरक्षा दे कड़े बंदोबस्त कीते गेदे न। सेना ते बीएसएफ जवानें गी नियंत्रा रेखा दे 225 किलोमीटर तगर ते अंतरराश्ट्री बन्ने दे 192 किलोमीटर तगर कड़े इंतजामें लेई तैनात करी दित्ता गेदा ऐ।

<><><><><><>

Panchayat Leaders

28 राज्यें ते केंद्र शासित प्रदेशें थमां 210 पंचायत लीडर बी नमीं दिल्ली च स्वतंत्रता दिवस दे मौके पर खास परौहने दे तौरा पर शामिल होंगन। इस बरै खास परौहने दे मौके पर कई सारी महिलां पंचायत लीडर बी शामिल होंगन जिनें ग्राम पंचायत च बदलाव आंदे न। इनें बदलावें च ढांचागत विकास, लोक सेवा च बढौत्तरी ते समुदायें लेई पहलकदमियां शामिल न। इनें लीडरें सरकार दे मुख्य अभियान जियां के हर घर जल योजना, प्रधानमंत्री आवास योजना-ग्रामीण ते मिशन इंद्रधनुष च कामयाबी हासल कीती ऐ। इस कार्यक्रम दरान ए.आई पावर्ड सभासार आवेदन बी लांच कीते जांगन।

<><><><><><>

Prez. Amrut Udyan

राश्ट्रपति द्रोपदी मुर्मू होर कल राश्ट्रपति भवन च अमृत उद्यान दे सोए दी रूतै आहले सालाना उत्सव दा उद्घाटन करंगन। एहू लोकें आस्तै शनिवार थमां बडुलै 10 बजे थमां लेइयै शामी 6 बजे तोड़ी खुल्ल रौहग। स्पोर्ट्स एथलीट्स ते खडारियें आस्तै एहू राश्ट्र खेडू दिव 29 अगस्त गी ते शिक्षकें आस्तै राश्ट्री शिक्षक दिवस 5 सितंबर गी खास तौरा पर खुल्ला रौहग।

CJI-Dogs

भारत दे मुख न्याधीश बी.आर गवेई होरें आखेआ ऐ जे सुप्रीम कोर्ट दिल्ली एनसीआर च अवारा कुत्तें दे स्थानंतरण दे मुद्दे पर विचार करोग। एह निगरानी सुप्रीम कोर्ट थमां इक वकील दे राएं कुत्तें दा बंध्याकरण ते टीकाकरण आस्तै इक्क याचिका दे उल्लेख मगरा कीती गेई जिनें 2024 च पारित सर्वोच्च न्यायालय दे आदेश दा हवाला दित्ता। जज जे.के महेश्वरी हुंदे बैच नै आवारा कुत्तें गी मारने उप्पर रोक लाने दा आर्डर पास कीता हा। एह आर्डर सब्भनें मानुएं लेई करुणा दे भाव गी दिखदे होई पास कीता गेआ हा। मुख न्यायाधीश बी.आर गवेई होर जे.बी पारदीवाला ते आर. महादेवन हुंदे बैच दे राएं सोमवारें सुनाए गेदे फैसले दा जिक्र करा रदे हे जेदे च नगर निकाय गी तुरत गै आवारा कुत्तें दा स्थानंतरण करने दा आदेश दित्ता।

<><><><><><>

PM-MKB

प्रधानमंत्री नरेंद्र मोदी होर 31 अगस्त गी 'मन की बात' कार्यक्रम राएं मुखै दे लोकं कन्नै अपने बचार सांझा करंगन। एह हर म्हीने चलने आहले इस कार्यक्रम दी 125मीं कड़ी होग। लोक अपने बिचार ते सुझा टोल फ्री नंबर 1800-11-7800 दे राएं भेजी सकदे न ते ओहू अपने सुझा नरेंद्र मोदी ऐप या My Gov open forum पर आनलाइन पर बी भेजी सकदे न। इस प्रोग्राम दी 125मीं कड़ी आस्तै सुझा इस म्हीने दी 29 तरीक तगर लैते जांगन।

<><><><><><>

Partition Remembrance Prog

जम्मू-कश्मीर दा संस्कृति विभाग 1947 दी बंडु ते उस दौरान लक्खें लोकें गी जरनी पेदी तकलीफें गी उजागर करने लेई कल जम्मू दे कला केन्द्र ते श्रीनगर दे टैगोर हाल च बशेश कार्यक्रम दा सरिस्ता करा'रदा ऐ। विभाजन विभीषिका समृति दिवस दे रुपै च एह कार्यक्रम दौने थाहें परी कल दिनै 11 बजे शुरु होग। इस कार्यक्रम दे दरान ऐतिहासिक फोटूएं दी इक नमैश लाई जाहग जेह्दे राहें बंडु दरान लोकें गी झल्लनी पेदी तकलीफें गी दर्शाया जाहग। इस पैहलकदमी दा मकसद युवा पीढ़ी गी 14 अगस्त दे ध्याड़े बारै जानकारी बनाने दे कन्नो-कन्नी बंडु दरान तकलीफां झल्लने आहलें गी श्रद्धांजलि देना बी ऐ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ औंदी 14 अगस्त गी “विभाजन विभिषिका स्मृति दिवस” दे मौके पर 25एं मिनटें दी इक विशेष परिचर्चा दपैहरी 12 बजे प्रसारित कीती जाग। इस विशेष कार्यक्रम च स्हाड़े परौहने होडन मन्ने-परमन्ने दे इतिहासकार, लेखक ते राजनैतिक विश्लेषक प्रो. हरिओम ते पी.टी.आई दे ब्यूरो चीफ अनिल भट्ट, जेड़े 1947 च भारत ते पाकिस्तान बश्कार होई दी बंड बारै अपने माहिराना बचार सांझे करडन। इस कार्यक्रम दा संचालन करडन न्यूज एंकर जगमोहन शर्मा। एहू कार्यक्रम तुस मीडियम वेब 303 मीटर यानि 990 किलोहर्टज़, एफ.एम 100 अशारिया 5 मेगाहर्टज़ उपपर बी सुनी सकदे हो।

<><><><><><>

Tiranga-Rallies

आजादी दे ध्याड़े आहले समारोहें दे इक हिस्से दे तौरा पर समूलचे जम्मू-कश्मीर च केई कार्यक्रमें दा सरिस्ता कीता जा'रदा ऐ। इससै सरबंध्य च केन्द्री मंत्री डाक्टर जीतेन्द्र सिंह होरें अज्ज कठुआ च इक बड्डी तिरंगा जात्तरा दी अगुवाई कीती जेह्डी कालीबड्डी थमां लेइयै शहीद भगत सिंह पार्कें तोह्डी कड्डी गई। खरी मती गिनतरी च लोकें, देश-प्रेम दे जज्बे कन्नै इस जात्तरा च हिस्सा लैता।

<><><><><><>

IMD

मौसम विभाग नै अज्ज उत्तराखंड, बिहार, तेलंगाना ते आंध्र प्रदेश समुंद्री इलाकें च भारी बरखा दे असार करी इनें थाहरें पर रेड अलर्ट जारी कीता ऐ। आकाशवाणी कन्नै गल्ल करदे होई मौसम विभाग दे वरिष्ठ साइंसदान डॉ. आर.के जेनामणि होरें आखेआ जे उडीसा, छत्तीसगढ़, पूर्व मध्य प्रदश ते उत्तर पूर्वी इलाकें दे किश हिस्सें च बी भारी बरखा दे असार न ते बिहार च मुख्ब नदियें जियां के गंगा, गंदक, सोन, कोसी, महानंदा ते बागमती च बाढ़ आने करी 10एं जिलें दे 19 लक्ख लोकें पर असर पेआ ऐ।

<><><><><><>

Sports

भारत दे गुलवीर सिंह नै बुडापेस्ट दे ग्युलाई इस्तवान मेमोरियल हंगरियन एथलेटिक्स ग्रैंड प्रिक्स च मर्दे दी नान ओलंपिक 3000 मीटर रेस च अपने गै राश्ट्र स्तर दे रिकार्ड गी बेहतर बनाया। पिछली बारी उनें एहू रेस 7 मिनट 38.26 सैकेंड च बुस्टन विश्वविद्यालय च खत्म कीती ही।

<><><><><><>

Farmers

मुख भरै दे करसाने प्रधानमंत्री नरेंद्र मोदी हुंदा विदेशी दबाव दे बावजूद बपार समझौते पर अपने साहसिक फैसले लैने करी शुक्रिया कीता। करसाने दे संगठन दे लीडरें केंद्री राईबाई ते करसान कल्याण मंत्री शिवराज सिंह चौहान हुंदा कल नमीं दिल्ली च इस फैसले करी शुक्रिया कीता कीजे एहू फैसला करसाने दे हक च लैता गेआ ऐ। भारती करसान संगठन दे राश्ट्री अध्यक्ष चौधरी चरण सिंह ते धर्मेन्द्र चौधरी हारे आखेआ जे प्रधानमंत्री हुंदा एहू फैसला ना छड़ा लक्खें अन्नदाताएं गी राहत पजाग, बल्के भारत दे राईबाई ते ग्रामीण खेत्तर गी आत्मनिर्भर बनाने च बी मदद करोग।

<><><><><><>

Drug Awareness Camp

नशा पदार्थ नियंत्रण ब्यूरो यानि एनसीबी केंद्री गृह मंत्रालय दे निर्देशे पर 15 ते 16 अगस्त गी मुख भरै च नशीले पदार्थे दे प्रति जागरूकता आस्तै अभियान शुरू करोग। इस अभियान दा मकसद नागरिके गी नशे दे नुकसान बारै जागरूक करना ऐ तां जे भारत गी नशामुक्त बनाया जाई सकै। इस अभियान दुरान बक्ख-बक्ख गतिविधिये दी श्रृंखला चलोग जेदे च शिक्षा संस्थाने च वर्कशाप, सेमीनार, ड्रामा, नुक्कड़-नाटक, साइकल रैलियां ते रन फॉर ड्रग फ्री इंडिया शामिल होंगन।

<><><><><><>

Social-Justice

समाजी न्याय ते सशक्तिकरण मंत्री डॉ. विरेंद्र कुमार हारे आखेआ ऐ जे नशीले पदार्थे दे सेवन करी मुखै दे सामाजिक ताने-बाने पर असर पवा'रदा ऐ। उनें गलाया जे नशे दा सेवन करना इक्क सामाजिक खतरा ऐ जिसी मुखै थमां तौले नबेड़ना लोड़चदा। नशामुक्त अभियान दे 5 बरे पूरे होने पर अज्ज नमीं दिल्ली च मंत्री हारे आखेआ जे नशीले पदार्थे दे

सेवन कन्नै ना छड़ा इक्क मानु दी सेहत खराब होंदी ऐ बल्के उंदे परौआरें ते पूरे समाज उप्पर बी असर पोंदा ऐ।

<><><><><><>

PTC-Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक, जेहदी उमर 24 थमां 50 बरें दे बश्कार होऐ ते ओह जम्मू जिले दा रौहने आह्ला होऐ, एहदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री जां कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंध्यत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद् दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश, आकाशवाणी पंजतीर्थी जम्मू च 31 अगस्त 2025 संजा 6 बजे कोला पैहले-पैहले आइयै दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>